



CONCELLO DE VIGO  
Secretaría de Goberno Local

**D<sup>a</sup>. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 26 de xaneiro de 2024**, adoptou o seguinte acordo:

**18.- PROPOSTA DE AUTORIZACIÓN DA SUSPENSIÓN PARCIAL DO DESCANSO OBRIGATORIO DOS TAXIS DA CIDADE DE VIGO. EXPTE. 4489/449.**

Dáse conta do informe-proposta de data 22/01/2024, asinado pola xefa do Servizo de Transportes e conformado polo concelleiro da Área de Goberno, que di o seguinte:

**ANTECEDENTES:**

Por acordo plenario de data 6 de setembro de 2010 aprobouse a disposición complementaria para a regulación de quendas de descanso no sector do taxi fixándose o descanso de 92 taxis por día de forma rotatoria de luns a domingo de 00:00 a 24:00 horas por un período de proba de tres meses. Dita medida é provocada pola situación de crise e diminución de traballo do sector.

Por acordo plenario de data 31 de xaneiro de 2011 foi aprobada a prorroga do descanso obrigatorio dos taxis da cidade, aprobado inicialmente por un período de tres meses e nas mesmas condicións, acordo que se mantén en vigor até a data.

**SOLICITUDES :**

Na data 16 de xaneiro de 2024 D. Emilio Mosquera Rodríguez, como Presidente da Xunta Directiva da ASOCIACIÓN PROVINCIAL DE AUTOPATRONOS DEL TAXI DE LA PROVINCIA DE PONTEVEDRA ( C.I.F. G-36636637), e en representación da mesma, considerando que é responsabilidade do seu colectivo garantir unha adecuada prestación do servizo de taxi en canto a eficiencia e calidade, expón:

“Que en aras a esto y después de analizar la demanda de servicio existente y la oferta actual consideramos que sería positivo levantar el descanso en horario nocturno de forma indefinida.

Por tal motivo, y a fin de solucionar y anticiparnos a que la oferta de servicio sea inferior a la demanda, proponemos que con carácter indefinido se suspenda el descanso obligatorio en el horario comprendido entre las 22:00 y las 08:00 horas.”

Na data 19 de xaneiro de 2024 a Asociación Élite Taxi Vigo (CIF G27844935), representada polo seu Presidente Daniel Matías Gómez, solicita :

“La liberación parcial del turno de descanso con el mismo horario que se ha producido durante las Navidades desde las 10 de la noche hasta las 8 de la mañana y las 24 horas de los domingos y festivos por un período excepcional de 1 año o hasta que el nivel de oferta se ajuste a la demanda.”



Copia do documento - Concello de Vigo	Data impresión: 28/02/2024 10:13	Páxina 1 de 4
4489-449	CSV: AFAE4A-B8DA48-BE5BDA-SYA6HM-PA9CZY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**INFORME :**

Nos últimos anos e dende a pandemia produxéronse importantes variacións en relación coa demanda do servizo de taxis na cidade, pasando dunha escasa demanda durante os anos 2020 e 2021, a un incremento da demanda durante o ano 2022 e sobre todo no ano 2023.

Durante as festas de Nadal 2022 foi suspendida provisionalmente a obrigatoriedade do descanso até o 15 de xaneiro en horario nocturno, sen que se apreciase exceso na oferta. Durante a celebración do Marisquiño foi suspendida provisionalmente a obrigatoriedade do descanso durante as 24 horas dos días 10, 11,12, e 13 de agosto de 2023, ao obxecto de poder satisfacer o previsible incremento da demanda nas mencionadas datas e a fin de manter a calidade do servizo de taxis.

E, así mesmo foi suspendida provisionalmente a obrigatoriedade do descanso no horario comprendido entre as 22:00 e as 08:00 horas, no período comprendido entre o 1 de xullo e até o 3 de setembro de 2023 incluído, ao obxecto de poder satisfacerse o previsible incremento da demanda existente, e manter a calidade do servizo de taxis.

Durante a celebración da feira CONXEMAR foi suspendida provisionalmente a obrigatoriedade do descanso, durante as 24 horas dos días 2 ao 6 de outubro de 2023, solicitada a fin da poder garantir a demanda de servizo derivada da celebración da citada feira.

Durante a celebración das festas do Nadal 2023, foi suspendida provisionalmente a obrigatoriedade do descanso no horario comprendido entre as 22:00 e as 08:00 horas, até o 14 de xaneiro de 2024 incluído, ao obxecto de poder satisfacer o previsible incremento da demanda existente, e manter a calidade do servizo de taxis.

Durante todos estes períodos de suspensión da obrigatoriedade do descanso, non se aprecia exceso de oferta en ningún caso.

Na actualidade e debido a continuidade do incremento da demanda do servizo, especialmente no horario nocturno, franxa horaria da que se reciben queixas pola falta de taxis o pola demora dos mesmos en acudir ao servizo, o Concello ten a obriga de adoptar as medidas necesarias para manter unha oferta adecuada a demanda

O incremento da demanda actual do servizo de taxis especialmente no horario nocturno, superior a oferta, debido principalmente ao descanso obrigatorio de 92 taxis cada día, implica que non poida satisfacerse a totalidade da demanda, o que da lugar a queixas por parte dos usuarios do servizo

Ante este incremento da demanda, o Concello ten a obriga de garantir a cantidade e calidade do servizo de taxi, polo que se considera que procede adoptar medidas por parte do servizo de transportes, a fin de garantir que durante as 24 horas do día o servizo sexa suficiente para satisfacer a demanda, e evitar que esta sexa superior á oferta, cos prexuízos que poderían derivarse para os usuarios de transporte público da cidade.

A solicitude da suspensión parcial do descanso obrigatorio en horario nocturno solicitada pola asociacións representativas do sector, e xustificada xa que as queixas en relación co servizo se producen fundamentalmente nese horario, así como tamén a primeira hora da mañá, entre as 8 e 9 horas, e considerando que o cambio da tarifa 1 a tarifa 2 se realiza as 22:00 horas, propónse que sexa a partir desa hora cando se autorice a suspensión e considerando que son moitas as queixas dos usuarios en relación coa ausencia de taxis no horario comprendido entre as 8 e 9 horas, que debe manterse até as 09:00 horas.

En relación coa supresión do descanso as 24 horas dos domingos e festivos, non se ten constancia de falta de servizo nos citados días en horario diúrno, polo que, considerase



Copia do documento - Concello de Vigo	Data impresión: 28/02/2024 10:13	Páxina 2 de 4
4489-449	CSV: AFAE4A-B8DA48-BE5BDA-SYA6HM-PA9CZY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

que con anterioridade a acordar a suspensión do descanso, deberá analizarse o incremento da demanda nos citados días e franxas horarias.

En canto a data de inicio de suspensión, propónse que se inicie a partir do día seguinte da adopción do acordo de suspensión e se manteña en tanto non varíen as circunstancias da demanda actual.

Polo exposto, por parte de este servizo propónse informar favorablemente, ao amparo da regulación legal recollida no artigo 39 da vixente ordenanza municipal reguladora do servizo de taxi da cidade de Vigo, a solicitude formulada pola Asociación provincial de Autopatronos del taxi da la provincia de Pontevedra, na data 16 de xaneiro de 2024, e pola asociación Elite Taxi Vigo na data 19 de xaneiro de 2024, e acordar a suspensión parcial do descanso obrigatorio do servizo de taxi da cidade, no horario nocturno dende as 22:00 até as 9:00 horas dende o día seguinte a data de adopción do acordo de suspensión, a fin de poder satisfacer a demanda actual, e de conformidade coas solicitudes presentadas polas asociacións representativas do sector .

**RÉXIME XURÍDICO DE APLICACIÓN :**

De conformidade co disposto no artigo 39 da vixente ordenanza municipal reguladora do servizo de taxi da cidade de Vigo aprobada na data 9 de febreiro de 2015, e modificada nas datas 5 de setembro de 2018 e 30 de marzo de 2022: "Cando concorran situacións excepcionais que impliquen una importante diminución ou incremento da demanda perfectamente xustificada e provisional no tempo, que poida afectar as condicións de prestación do servizo en relación coa rendibilidade do mesmo, e que non se trate dunha proposta que de lugar a unha modificación permanente do sistema de descansos, pode estudarse unha modificación provisional do réxime de descanso. A proposta pode ser á solicitude das asociacións representativas do sector acreditando o apoio a iniciativa, dunha maioría absoluta das licenzas de taxi existentes.

De conformidade co disposto na vixente ordenanza municipal reguladora do servizo de taxi, no seu artigo 4 apartado b establece que:) a competencia para a aprobación das disposicións complementarias de prestación do servizo corresponde a Xunta de Goberno Local, polo que considerando que o descanso obrigatorio para o sector do taxi, foi aprobado por unha disposición complementaria da ordenanza reguladora do servizo, considerase que no presente caso, por tratarse dunha suspensión parcial e temporal dunha parte do contido da mesma, corresponde adoptar o Acordo ao mesmo órgano que ten a competencia para a súa aprobación .

Polo exposto propónse a Xunta de Goberno Local a adopción do seguinte :

**ACORDO**

Autorizar a suspensión con carácter parcial, do réxime de descanso obrigatorio dos taxis da cidade aprobado na data 31 de xaneiro de 2011, solicitada pola Asociación provincial de Autopatronos del taxi da la provincia de Pontevedra, na data 16 de xaneiro de 2024, e pola asociación Elite Taxi Vigo na data 19 de xaneiro de 2024, no horario comprendido entre as 22:00 e as 09:00 horas, a partir do día seguinte da data de aprobación e notificación deste acordo ás asociacións representativas do sector, e en tanto se manteñan as circunstancias de demanda actuais, a fin de manter a calidade do servizo de taxis.

Desestimar a solicitude formulada pola asociación Elite Taxi Vigo de suspensión do descanso en horario diúrno os domingos e festivos, en tanto no se analice o incremento



Copia do documento - Concello de Vigo	Data impresión: 28/02/2024 10:13	Páxina 3 de 4
4489-449	CSV: AFAE4A-B8DA48-BE5BDA-SYA6HM-PA9CZY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

da demanda e a falta da oferta para cubrir a citada demanda nos mencionados días, que xustifique a solicitude formulada.

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE  
Abel Caballero Álvarez.



Copia do documento - Concello de Vigo	Data impresión: 28/02/2024 10:13	Páxina 4 de 4
4489-449	CSV: AFAE4A-B8DA48-BE5BDA-SYA6HM-PA9CZY-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		